

貴
州
政
報

no.36

中華民國九年六月上旬出版

第三十六號

貴州政報

本報費價

每冊點幣貳角

每月點幣陸角

半年點幣叁元叁角

全年點幣陸元

本城專送省外郵寄費用一并在此內

本報告白

每冊

每面

每面

每面

每期

全面

半面

一面

四分之一

卷元

肆角

玖角

卷元

捌角

壹元

陸角

卷元

捌角

玖角

一

類目

褒揚鎮甯節孝婦令

(一) 政府命令

呈覆貞豐糧書舞弊一案咨

(二) 部咨

(三) 軍署公文

飭填卹金預付證書令

(四) 本署公文

震東日報應否准予立案呈

視學查報天柱學務情形

(六) 法規

日人無照遊歷請解交領事呈

學生能課要挾聲明定章令
徵集國語文法各書令

(七) 圖表

調查日本學務報告書
法律解釋輯要

(十) 代佈

發下賓川棉種令
追繳退校學生學膳費令

判決李恩全等販賣鴉片一案
貴州省長公署批四件

(八) 批告

興仁請修縣志令

本署公文

貴

州

政

報

貴州省長公署訓令

民國九年一月

令天柱縣知事據第二區省視學許廷靖呈報該縣學務情形由

案據第二區省視學許廷靖呈報該縣學務情形一案到署據此查該縣勸學所所長楊樹槐辦學多年老成持重前經胡視學稟請本署給予丙等獎章在案茲又據許視學續請加委查勸學所規程第二條勸學所設所長一人由縣知事詳請道尹委任并詳由該管最高級行政長官咨報教育部該員果能實行職務應由該知事呈由道尹加委俾該員有所專責勸學員鄧啓藩與所長常駐所內關於教育承轉文件尙無延擱惟查勸學所規程施行細則第三條勸學所所長每一學年須周歷縣屬各區一次或二次勸學員分任各區勸學每一學期內須周歷所任區域內二次以上勸學所長勸學員周歷各區時應

貴州政報

就所執行第一條之事項述爲勸學日記報告於縣知事以後該所長及勸學員果能照章辦理經省視學查報自應從優獎勵縣視學張懋修任事勤能頗有經驗每季視察各區尙能切實調查其報告書中對於各校評語頗中利弊并擬具對於該縣教育意見十條已由省視學函知該縣執行似此熱心教育實屬不可多得應由該知事開具該員履歷呈報本署依縣視學第二條規程辦理給委以昭鄭重查該縣教育經費據勸學所報告僅城內一部分歸經費局支配揆其形式實屬不合其餘各區經費素未統一且自收自用縣署無從稽核此中難保無藉學校爲名以圖漁利抑或城中紳士輕視鄉村徒搜括入手致有此不統一之害應由該知事秉公辦理按學校兒童數設立學校據實支配俾經費局視爲一律庶免歧視偏枯之虞至捐欵雖種類複雜應查照本署頒給教育經費表分別列報以憑查考該縣近年來因一時防匪權宜計畫挪用指定學款內層捐一項以作防匪之用殊屬不合應仍遵部令省令不准

貴州政報

挪移學款俾學校不致中止是爲至要該縣距省窵遠各學校偏重讀經因由父兄習尚所致然社會國家日漸更新非科學知識日漸發明難以圖存應轉飭各教職員一面保存國粹一面趨向時局遵照部定課程表論語孟子只宜授以大意務期科學教授按學生程度施行爲要查宣講所所長梁克標前經胡視學報稱未曾宣講今又據許視學報稱該所長年老力衰任事敷衍就職以來素未認真講演職員表內明有講員三人其實未曾宣講一年徒費一百六十七元自問良心何安應由該知事迅即撤換并加講員一人實行輪流講演俾城鄉人民藉以開啓新思想新知識庶不至久於錮蔽本省長有厚望焉至中學校及高小國民各學校詳細情形合將報告書摘要抄發仰該知事一體遵照認真整理仍將遵辦情形具報查考是爲至要切切此令

附許省視學務報告書

一縣立中學校關於管理教授管理由學監負責每日點名三次學生尙服

貴州政報

從校規教授劉教員授二年級物理聶教員授幾何夏教員授國文歐陽教員授法制周教員授手工均有教法關於訓練該校無有標準純任自然學生尙誠樸無華惟體育衛生素未注意學生宿舍及自習室頗爲凌亂監學一人歐陽靈頗能盡職惟後門有四應分別封禁學生有三班之多如經費可設法應添監學一人一年級國文教員彭佐才精神委靡不諳教授應即撤換理化教員劉國幹英文教員潘卓寰數學教員聶石麟均由湘省聘來已三四年矣頗能盡職應由該知事分別成績姓名履歷錄呈本署再行酌獎

一縣立高等小學校關於管理由各教員分擔足見熱心尙爲得法關於教授注重啓發式亦同新式訓練以勤儉爲校訓校風甚佳關於體育不甚注意關於衛生教室狹隘空氣不足光線不充應分別整理一年級教室地面高下不平與廚室相近妨害學生心志校長楊啓徵處理教務甚屬熱心各

貴

州

政
報

科教員亦頗稱職惟學生有四班之多僅教員六人不敷分布應增加一人以免曠廢

一中區國民學校關於管理教授大致不差關於訓練體育不知爲何關於衛生教室不合用兒童發育亦不注意

一區立高小
國民學校關於管理教授訓練體育衛生諸方面均未知爲何應由該知事採集關於教育之書籍隨時研究進行以期與城中學校一律辦理校長楊仲衡獨力經營實屬難得各教員亦能稱職惟國文教員向南浦係一塾師不諳教授亟應撤換

貴州省長公署訓令

民國九年五月

令三道尹准教育部咨學生罷課要挾聲明定章請飭屬遵照由
省立各學校

案准教育部咨開查近來國內學校風潮日趨複雜對於校內外事件動輒以罷課爲要挾之具學業拋荒心性浮動馴至考試升級諸感困難教育標準因

貴州政報

而低下長此不改恐國家一綫之生機將以是而摧殘淨盡亟應聲明定章以圖挽救查修正學生學業成績考查規程第九條內載學生每學期缺席時間逾該學期授課時間三分之一者不得升級或畢業并規定缺席時數雖未逾三分之一亦應按時扣分原以防學生之隨意曠課致荒學業定章綦嚴業經公布通行在案應即由各校校長遵照前項規程隨時查明學生出席缺席時數切實辦理毋得稍予寬容此後呈報學生升級或畢業時并應將各學期預定授課時數及各學生出席時數分別詳列表冊呈報教育行政官署以備考核除令行各直轄學校及京師學務局外相應咨請轉令所屬一體遵照以重教育等由准此除分令外合行令仰該

道尹轉令所屬一體
校

遵照切切此令

貴州省長公署訓令

民國九年五月

令三道尹 省立各學校 省城私各立學校
省教育會 貴陽縣教育會

種著述通告由

貴州報政

案准教育部函開逕啓者國民學校國文科改授語體文所需教科書及國語文法國語詞典各種著述本部前曾通告徵集刊登各報在案惟各省偏遠地方容或未能週悉相應抄錄原通告函請貴科查照轉發屬縣各學校廣爲徵集是荷等由准此合行抄錄原件令仰該
道尹轉飭各縣各學校會如有上列各項著述儘可呈由本署代爲彙轉切切此令

附教育部通告

國民學校國文科改授語體文業經本部通行各省區在案所需教科書及國語文法國語辭典均關重要茲特廣爲徵集凡關於上列各種著述無論已未刊印如經送部審查認爲合用者准由部酌給酬金并通行各省區國民學校採用特此通告

貴州省長公署訓令

民國九年五月

令
第二區省視學許邦靖
都勻縣知事竇全會據都勻十縣合立中校學生觖望及解散各情由

貴

州

政

報

都勻縣知事
第二區省視學

查此次都勻十縣合立中學校學生罷課及全體解散各情迭據該視學暨

知事

校務既不能慎處於先及釀罷課風潮又不能維持於後坐令學生全體解散貽誤教育其辦理不善之咎自無可辭前經該校長呈請辭職業于指令照准所有校務

已仰都勻縣知事暫行兼代
即由該知事暫行兼代

至關于學校

前途應如何改組補救之處仰即會同該區省視學審慎處理俾辦理早日得

人學校早日恢復以副本省長維持教育之意至該校校務向由聯合會主持是否於用人行政確有窒礙亦須秉公體查酌予改良仰將辦理善後情形詳細具報來署以憑核奪除分令

都勻縣知事
第二區省視學

外合行令仰該視學遵照切切

此令

貴州省長公署訓令

民國九年五月

令貴陽縣知事雷渝據農業學校呈請追繳學生劉鍾璧等學膳各費由

貴州政報

案據農業學校附屬女子蠶絲業傳習所呈稱竊本所定章學生中途廢學應追賠在所學膳各費茲查有學生劉鍾璧劉鍾玉二名曠課過久屢傳不到關係更名投考女子產科傳習所似此見異思遷心志不一之學生實屬藐視校規難資造就自應照章辦理除由本所懸牌斥革外理合將該生入學願書保結及應攤賠學膳各費另單具文呈請鑒核轉飭該縣地方官追繳或即飭貴陽縣責令保人賠繳以儆效尤而重公欵等情據此除以呈件均悉該所學生劉鍾璧劉鍾玉見異思遷中途廢學自應斥革所請飭繳學膳各費併應照保結規定爲保人是問仰候令飭貴陽縣追繳可也此令等語指令外合行抄發願書保結清單令仰該知事遵即傳該生等保人將單列在所應攤學膳各費如數賠繳呈署核辦切切此令

貴州省長公署指令

民國九年五月

令大塘縣知事周敍彝發下雲南賓川棉種仰會商分發由

貴

政報

查本署前爲提倡棉業起見業經購獲美種令由視察員羅震東解赴該縣分發并公布棉業章程在案茲准

雲南省長咨送代購賓川棉種一百觔發來合行令發仰該知事遵即驗收會同視察員趕速酌量分配轉發人民試種以資比較再現在時間已遲務須選擇適當地方分播爲要切切此令

貴州省長公署指令

民國九年五月

令興仁縣知事劉祖沈據呈請修縣志各情由

據呈已悉查興仁係新設縣治向無志乘該縣於採訪時兼採方志材料期成縣志并聘請王前知事爲總纂具見官紳留心文獻曷勝嘉慰惟茲事體大自非具備三長貫穿羣議不足以發皇督獻昭垂久遠應由該縣妥擬簡章函知總纂各員發凡起例尅期纂修本省長樂與早日觀成也至變賣頭人田土所得數目應隨時呈報備核仰即遵照此令

貴州省長公署指令

民國九年三月

貴

州

政

報

令貴西道尹吳緒華據呈送鎮寧節孝婦姚李氏請褒揚由
呈及各件均悉該節孝婦姚李氏秉淑氣於坤維播清蒸於女史雖未飲摩笄
之恨而懷清履潔較殉夫尤難况復事衰齒之姑而養生送死與人子何異加

以孳孳爲善共年穀於貧人軋軋鳴機授櫻書於愛子藜藿自甘昕夕蓼荼不
厭苦辛似此淑行尙屬餘事允宜表彰節孝俾其矜式鄉閭既據鎮寧縣知事
援照褒揚條例各條款詳錄事實出具證明書取具鄰結并照繳褒揚註冊暨
匯費洋九元八角呈由該道尹查明轉呈前來除將所繳各費如數核收外俟
大局解決後再行專案請獎可也仰即轉令鎮寧縣知事知照各件存此令

貴州省長公署咨

民國九年三月

咨省議會案據貞豐縣民梁金明等具控糧書饒文瑞以弊竇叢生各情

一案由

爲咨明事案查前准

貴

州

政

報

貴會咨據貞豐縣民梁金明等以弊竇叢生民不堪命等情請願一案咨請飭
查究辦等由到署當經咨覆并令財政廳查辦在案茲據該廳呈稱奉令遵即
令縣查覆茲據貞豐縣知事申憲覆稱查貞屬丁糧分上下江兩櫃徵收上江
漢民居多夷民甚少歷係本糧自納并無併柱包徵情事每年拖欠亦少下江
夷民則居十之八九於前清雍正年間建立縣治時民智不開夷民鮮識漢語
每亭分六股或八股攤納丁糧其完糧之名即以糧頭六八人之名譽代表上
納代遠年湮相沿至今而糧冊仍係以前名額每多拖欠無從追索至民國四
年六年前後奉前廳長令發丁糧撥冊簡章并佈告不准糧頭包攬不許併柱
完納須本糧自上以除積弊而免拖欠自此令頒行後而下江夷民近因民智
大開讀書識字者所在皆有咸知包納之弊紛紛赴署申請撥冊如王母石室
羅康等處已撥冊清楚故無絲毫蒂欠民國七年陰曆十二月二十八日梁金

貴州政報

明章光榮等到櫃完納時其納糧名姓與厥冊所載無一符合糧書饒文瑞詢悉該民等係屬包攬而來與廳令違背須照章申請過撥後方能徵收殊該戶梁金明章光榮等不服即以留難浮收等情呈訴饒文瑞到縣知事當即傳訊得悉羅王上中下三亭每亭年納地丁正銀五十兩零四錢二分八釐秋糧正米一十二石上亭分爲五股每股正丁一十兩零一錢秋米二石六斗五升中下二亭共分爲十一股每股正丁八兩九錢八分三釐秋米二石五斗三升三合除羅王上三寨於民國五年撥散三股半之五十餘名糧戶係真名實姓外餘厥冊之名均係前清雍正年間之韋忙韋岩韋三韋登黃色等名與現時梁金明章光榮完糧之名無一相合據韋光榮等供稱每股有糧田十七八垧每垧應完正丁五錢二分八釐秋米一斗四升零民等每人只完一二垧糧田之丁糧餘均係包收而來至所訴糧書浮收一節質之係因撥冊謬轄并無憑証知事當以該民等所完之糧既係包攬核與廳令違背自應飭其過撥後方

貴州政報

准上納惟念該民等完糧之時已值陰曆除夕期間誠恐帶銀轉家途中損失當命經征員督同糧書將該民等之糧銀照章征收于明正仍由該章光榮等將各糧戶傳齊來署申請撥冊其納稅憑單因貞屬將屆除夕期間人民完糧異常踴躍在櫃完納日有三四百人之多填發不及該民等又急于轉家過年故令其到縣撥冊時再行取去該民等當即遵允并具結承認願撥在案殊該民等明邊暗違如由糧戶撥冊自納則失去包收之餘利迄八年八月僅由韋光榮等向饒糧書索取憑單抗不撥冊以此與糧書轡轎憑單因之扣留知事正擬追究過撥間該民等竟作先發制人之計以爲到省蒙蔽上訴即可挾制征收人員仍由該民等之浮收包攬以遂其所欲故該民等上訴呈內純將撥冊一節抹煞此足以見該民等之狡詐蒙蔽也且該民等上訴呈內稱進城赴櫃已將正欵完清糧書需索快馬草鞋腳錢等費每股至二三十元之多查貞屬丁糧向係于大堂設櫃征收歷未赴鄉設櫃接征辦法該民等既係赴署完